

小華外史一

共六

U 6
4074
1



門 9 伊 6
號 4074
卷 / - 6

小華外史序

樂善堂

聖人之情見乎易剝之極必受之以復者蓋明天地之間物不可終盡而雖純陰之月實未嘗無陽也其憂患後世至深切矣今夫夷狄入主中華舉先王疆土人民盡化為湮酪腥羶之聚自古猾夏之禍未有若是之烈乃陰道之極盛也惟東韓一域獨不改冠裳禮樂之舊雖勢窮力弱靡所因極而京周一念如水必東漢官威儀猶見於左海噫斯豈非上九之碩果歟然皓天不復河清難俟則人且偷安於姑息漸染於見聞只將皮幣珠玉求婚於虎狼之暴而幾不知華夷之大防此小華

外史之所以作也其作也蓋亦不得已也嗚呼

烈皇帝甲申卽天地閉塞之會而屬國先受其鋒丁丑城下之役忠志之士尚今扼腕而思一洒之時則有若忠烈公秋潭先生與洪尹兩學士爲

天王立殪虜

庭天下莫不誦其名東人之得免於左衽繫先生是賴焉族弟慶元善餘甫以忠烈公冢孫慨大義之寢晦痛深讐之莫雪乃哀輯公私文獻之有關於尊攘者以至諉聞瑣錄虜史倭乘靡不芻搜并採而立綱編年竊取紫陽書法起自洪武壬申訖于 當宁甲申上下四百二十三年間國號之肇錫也倭燹之東援也 壇壝

之秩祀也大寶之模勒也忠臣烈士之抗節而畢義也奸壬亂賊之賣國而附虜也記載畢該亥鉞森然而是乃盡述前言不參以己見豈非所謂惇史乎至若

皇轍南巡以後掃去諸家之謬例昭揭正統之有在尤可以建不悖而埃不惑其用工勤而其志誠可悲矣書既成問序於余余受而卒業歛衽而歎曰我東以小中華見稱於前史久矣逮至

有明御宇視同內服涵

煦作興於東漸之化者比古爲盛政所謂進於中國則中國之者也然今之中國非昔之中國則 皇明文獻之足徵顧不在於我東乎况陽無可盡之時理有必

反之幾是書雖垂之空言足以喚醒未死之人心異日
真人膺運廓清函夏東觀石渠纂修 皇朝之正史
則寂寥篇簡始可與天下共之載筆者必有取焉是豈
易與俗人道哉慶元姑秘藏之以俟夫後世之君子可
矣其曰外史者文則用史家例而不敢以撰述自居云
爾

崇禎紀元後四庚寅夏首陽後人敦艮齋吳熙常書

春秋辨君臣之等嚴華夷之分以扶天理而正人極
若孔子之時值有如今日之會而陪臣有能為天子
死使其國重於天下而天理人極有所賴焉則必大
書于策垂之後世也無疑矣嗚呼我邦之于 明
室君臣之義父子之恩蓋二百有餘年而一朝而神
州陸沉此忠烈吳公與洪尹兩公之殺身成仁明大
義於萬世精忠卓節可與日月爭光者也當三忠之
指叱龍庭談笑就死我邦至誠事大之義遂炳烺暴
著於無有窮已而春秋之道不墜於地矣忠烈公冢
孫首陽公忍痛含冤羞戴一天而深惧夫人情狃於

熟習歲薰月染日與之化不知尊攘之爲何事乃就
公私史牒遺聞逸乘自開 國受號凡歷世 恩
數與夫救災恤患無不博搜備載尊 南狩之正
統立萬古之大經彙爲一書名之曰小華外史公之
孫尚書按節嶺南亟鋟諸梓以不佞舊太史俛爲之
序夫是書不惟一家之書將以徵信於今與後而鷺
洲吳文元公旣弁其卷不佞復何言哉雖然吾家文
正先祖實闡斯義夷夏無不聞之而於公家大忠大
烈不佞亦講習有素則未敢終辭略叙所感于中者
如此抑不佞重有感焉宋至於祥興而止 明至

於永曆而止此史家不易之法也宋之益衛二王

明之三皇克紹統緒而宋之統脫脫亂之及

皇朝再修宋書景炎祥興始得列諸正統惟 三

皇之統張庭玉輩又敢肆其曲筆嗚呼異日中國秉
史筆者將有以正之

崇禎紀元後五戊辰安東金炳學謹序

故郡守海州吳公忠烈公六世家嗣也海州有首陽山而夷齊廟焉自號首陽逸民素服習春秋卓犖有大節緬四國之有王慨寤歎而念之編纂字小事大之事名之曰小華外史年經月緯州次部居殆數十年蒐輯極博未及修潤而卒胄子參判公號採薇山人學識超詣克趾先美乃就是書悉遵遺志刪其繁而益求其精補其闕而必徵其信又費數十年而底于成公以不佞為忠貞公後裔俾之校讐竊嘗略究其義例蓋以皇明實錄我國朝寶鑑為主以中外史乘公私傳記輔之翦裁而綴續之必注其書名融會貫串使百家之言

如出一人之手古之良史若司馬談遷班彪固姚察思
廉李大師延壽皆父子相繼而為之者也惟首陽公作
之採薇公述之成此不刊之書庶可以追踵前哲矣嗚
呼自洪武迄崇禎 恩遇我 邦家如天地之覆燾
錫賚優蕃獎諭隆摯亟正宗系之誣再奠將墜之 社
稷以至四郊多壘之時切責邊臣不救屬國之難雖伯
叔甥舅之國無以踰焉從古中朝之於外藩所未有也
丁丑以來塗山之責阻矣會稽之耻深矣我 宣文王
與同德之臣訐謨密勿將以滌腥塵而復皇圖 仙馭
上賓大義雖未克伸於天下然賴此而尊攘之旨光顯

于東土 列聖承之闡明崇報無所不用其極築壇而
祀 三皇 命撰尊周之錄外藩之於中朝屋社之
久而追慕愛戴終始如一日亦從古所未有也所聞所
傳聞浸遠浸微見於文字者雜出而考覈為難首陽公
有憂之折衷衆說統于一而整齊其辭然後上下四百
二十三年事無不該燦然明彰皇華之盛黍離之感匪
風下泉之思盤鬱乎行墨之間後之讀是書者其有不
慷慨擊節恍若身親見之也我兩家先祖與洪忠正公
所樹立昭乎日月萃乎泰山求仁而得仁同符夷齊繫
公父子因籍鄉而取以為號殫平生之力為是書垂之

百代噫斯其無愧為忠烈公之嗣也歟採薇公之胤取善氏觀察嶺南將以是書付剞劂問序在不佞義固不敢辭憶曾與聞緒論如在耳目而尋繹前塵漠若遠古今雖有疑于何取質撫卷長吁不禁泫然以涕公謂陪臣之臨難捐軀存和守義者皆是為天王盡節宜附記斯編發之凡例以待後人朝野著錄或失之誣或失之私去取失當是非不明難以覈僕數誠能削謬祛偽摭實存真慎擇無瑕之人而傳之備載列朝褒揚之典以續成完書其善繼善述不亦大乎觀察勉之哉皇明永曆後四戊辰八月壬申帶方尹定鉉謹書

春秋成而尊王之義嚴匪風下泉作而王室之念切此誠極天罔墜之人彛物則也我國家服事一皇明禮樂文物悉遵華制以小中華稱矧惟壬辰再造之恩沒世不能忘丙丁浩劫尚忍言哉特則吳忠烈公與洪忠正公尹忠貞公就義北庭丹心碧血與日月爭光在是乎吾東尊周義理永有辭於天下後世然世級寢降是義也幾乎不講亦久矣忠臣義士疇有不慨恨於此忠烈公後孫郡守公諱慶元世篤秉執寤寐如結自洪武壬申迄于崇禎甲申凡字小事大之事見於傳記者博放而謹書之自甲申以後我列朝所以愼念

而崇報者悉以採摭積幾十稔始克成帙例斷春秋感
寓風泉題其卷曰小華外史公之胤參判公諱顯相適
追先志益求其精托不佞以細勘且有年矣今山南伯
取善氏參判公冢嗣也將鉞梓於察營以卒其業俾廣
布而壽傳焉以余嘗與聞是役屬一言弁卷余何敢辭
或曰時與勢畏約多諱雖不作可也噫豈其然乎哉綱
目新編尊周彙編諸書多出於吾東况是家是史乎昔
鄭所南心史以宋之遺民發憤著書固也君子至今稱
之如郡守公卽一屬國陪臣生於屋社後數百年足不
躡覲規之庭身不沾漸被之澤猶欲以寸管弱毫樹綱

紀明義理西方榛苓之思自發於楮墨之間其心之苦
其事之卓絕比所南尤有光焉讀是書者其必曰
皇明有臣忠烈有孫嗚呼媿矣
崇禎紀元後五戊辰清風金學性謹序

小華外史序

小華外史凡例

一 皇朝之於我國義雖君臣恩踰父子實乃外藩之所未嘗有而載籍之所未曾見也故自我
 康熙壬申以來凡事關 皇朝者皆謹書之
 以著前後恩義之深且重壬辰以後尤極致詳以
 見東援之功之德沒世不可忘自崇禎丙子至于
 甲申之後惟我東君臣上下志礪薪膽念切風泉
 而不以存亡而改節然歲月寢遠人心漸狃並與
 尊攘之大義而亦幾乎熄則可懼也乃按羅公私
 文獻纂修成書上以闡 列朝之志事下以資後

人之講明此外史之所以作也

一威化回軍為我國尊王之始賜號朝鮮為 皇

朝錫名之始故此書起自 康獻王開荆之歲止

於崇禎後四甲申以志太歲干支適符於 烈

皇帝殉社之年也

一虔奉正朔乃此書之開卷第一義也故大書

皇朝年號之下分註我朝幾年此所以不與王魯

而同其例也至於稱祖稱宗既登 昭敬王陳奏

已經 顯皇帝睿覽故今不避諱以從國俗也

一凡係字小事大文字一從編年巨細畢載而惟朝

聘之行

聖節正至之外又有慶慰報謝歲每

四五焉只就最初一番以著使名而後不復書以

除繁冗以簡卷帙

一書 帝崩而不書即位做春秋也舉哀制服之

或書或否因亂後文籍之或有或無也

一見楊經理去思碑權元帥大捷碑凡於 天朝

尊上處皆間二字書之今做用右例誥勅章奏中

我國尊上字依國朝寶鑑例連書之

一以 明史國乘為本參入公私諸書之信而有

徵者刪繁取要去謬標真而惟於參互錯綜始可

加詳處則不得不分條合貫而輒著其引用之所
 自出若其文句之間重複繁詭懇切難會處則略
 加刪節以貫文義然亦不敢改竄一字以存謹嚴
 之體至於本國回遊字字句斡旋處自有增改者
 蓋亦不得不爾耳

語勅中 列朝御諱代以王字
 文義不續處間用先是至是等
 字而餘不
 能盡記

一平壤之戰風月候節之給順天之役壺觴好會之
 約俱是中朝正史之文而與本國公私所記有不
 同者必因道路稍遠傳聞易爽反不如本國人之
 當場目擊的確記實者故不得不稱量存刪焉

一遼瀋東江與我國有唇齒之形故主遼事者亦常
 惓惓於聯屬之策而畢竟多方以誤之未覩成功
 大可恨也略書其事實以備鑑戒

一弘光以後播遷既頻朝聘又阻聲聞之未通者久
 矣近見遺史始得其詳故其發凡立例稍異於前
 特書即位重 皇統也必書 帝在做綱目
 也

一永曆壬寅以後只書太歲干支干支之下分註我
 朝幾年以寓書甲子之例而亦出如事存之意也

一此書紀載略於本國詳於 皇朝者 皇朝

前後字恤之恩將以備傳於後而永矢不諼也

一是書為一部 壇史以 大報壇志王人記

遺民錄釐為三編做史家志傳之體也

三虜史倭書俱不益 看者并以註採入焉

小華外史總要通論

首陽逸民吳慶元 著

小華者中國稱朝鮮為小中華以其禮樂文明亞於中國也蓋朝鮮之為國號肇自檀君而箕子因之衛滿襲其舊是之謂三朝鮮歷新羅高麗至我 康獻大王奄有大東

皇明太祖高皇帝錫國號曰朝鮮朝者日始出也鮮明也言東方之日始出而鮮明也明生於東而盛於中故中國為盛明之會而禮義之所宗也車書之所同也二帝三皇之所由興九夷八蠻之所嚮慕也夫以

小師大而獨耻受命是不畏天也故唐堯二十五年
戊辰檀君降于太白山東人奉為君長而及夏禹塗
山之會遣其子扶婁朝之朝鮮之進朝中國自此始
也當殷之亾箕子以殷民五千東來凡詩書禮樂陰
陽卜筮之流百工技藝皆從而至焉因助法而畫井
田推洪範而設八教崇信義篤儒術使知父子君臣
之道五常之禮飲食以籩豆衣冠悉同于中國邑無
淫盜門不夜扃醇乎有仁賢之化是我東土用夏變
夷之運也自周秦漢唐宋以來數千年間中國屢革
厥世而一心慕效謹守藩服惟我朝鮮是已及至胡

元入主中國而冠履倒置義理晦盲便作長夜世界
矣天運循環無往不復亂極當治變極當正於是

高皇帝聖文神武掃滌腥羶堯天舜日廓然清明其在
東國有若文忠公鄭夢周首建大義卞夷夏陰陽之
分庚戌行洪武年號丁卯受紗帽團領品帶之制至
辛禍戊辰停 明年號復胡服犯遼我 庫獻王
自威化倡義回軍卽禁胡服復行洪武年號而綱常
大明名分始定焉蓋朝鮮為雲漢末派而箕尾之所
麗也北紀之所窮也凡氣數之屈伸世道之治亂習
尚之污隆大略與中國相髣髴故我 庫獻王膺運

開國實當

太祖皇帝二十五年若檀君之於唐堯年數相符無差
 非偶然也况 皇朝之視 本朝均於內服 本
 朝之仰 皇朝異於外藩字小之德洽于東土事
 大之誠迥出前古世嗣厥遺受冊踐位祇獻方物虔
 奉正朔律曆禮典俱用 大明文章儀度悉倣中
 華戴之如天尊之如日親之如父母敬之如神明
 列聖相承心法傳授至我 昭敬王壬辰倭奴覘視
 上國蹂躪我封疆

顯皇帝動天下之兵殫中國之力七年之內水陸濟師

殄滅乃讐再造東藩方是時雖間巷無知莫不感泣
 思報又况我 昭敬王至誠乎是以倭亂纔平繕寫
 春秋終身未嘗背西而坐逮當 純孝王遭陽九之
 會撥抗孔棘天步艱危惟名義之秉執是堅是嚴而
 宵小誤國之輩內啖軍變外假虜威愚我以和竟致
 下城痛哭還都恆居憂悒自同句越之事讐將以有
 為勢孤力索齋志莫伸 正德王暨 彰孝王克承
 厥志密謀討復而天不助信中道薨殂至建虜僭華
 一部春秋無地可讀而東人之慨歎念周謳吟思漢
 如一日也其在 元孝王甲申築壇于苑西曰

大報以祀 顯皇帝 顯孝王已巳合祀 高

皇帝 烈皇帝 莊孝王繼述先志儀文禮節燦

然大備今我 聖上克遵家法守而勿撓猗歟盛矣

蓋自丁丑以後國寶則摹用舊章 廟主則不書虞

謚 皇壇祭祀及公私碑誌尚奉崇禎紀元忠賢

後之告身及儒賢章疏舉不用彼人年號衣冠文物

尚襲 皇朝之舊以此言之則 明社雖屋於

中原而尚保於朝鮮矣是豈無所以而然哉東方禮

俗之美自古聞於天下夫子有欲居之訓漢儒稱道

義之風唐書羨君子之國宋史稱禮樂之邦此曷以

焉孔子作春秋也諸侯用夷禮則夷之進乎中國則

中國之推此義也朝鮮之得比中國其所自來遠矣

於是乎道之以禮度齊之以德政跨羅掩麗於斯為

盛而春秋大一統之旨炳然特著日星乎中天將使

皇朝之三百年基業懋遺我朝鮮未死之人心

則此心此義終不可以移易得他矣今以中國幅員

之廣士民之衆奔走臣虜殆將數百年不聞有正名

舉義之事者豈先王遺黎久淪於漣酪而不知耻耶

誠可哀也而孰知我朝鮮猶尊 皇統獨保王春

義理未嘗或熄忠節無時焉窮橫求之四海未有如

此俗也堅求之百世亦未有如此國也顧今諸夏陸沉九州腥穢有浮於胡元之世而湛然清淨惟青丘而已雖然至痛在中大義未伸則凡繫我前王至誠事大之心與夫後王忍痛含冤之情天下後世其有聞而知之者歟抑其未然歟夫義理之在天下也不有疆域之限焉此書之作豈止欲私之於一國要斷共之於四海之廣千載之遠也嗚呼歛矣



小華外史卷之一

首陽逸民吳慶元

編輯

男顯相重校

洪武初禁胡服胡語定官制立學校訪求古今書

籍詔告天下

麗史提綱

時高麗永原伯鄭夢周建議革

胡服襲華制

明使徐質來見歎曰不圖高麗

復襲中華冠帶夢周復疏請勿迎元使執送京師

歸隱至辛禡戊辰

帝以鐵嶺迤北歸之遼東

立鐵嶺衛遣百戶來告禡稱疾不出迎停洪武年

號

政事撮要

授我 康獻王右軍都統節鉞逼遣攻遼

列聖誌狀 康獻王極言不可禡不聽 康獻王渡鴨

綠江次威化島攸事撮要復言以小事大保國之道也

今遽犯大邦非宗社之福請班師又不聽 康獻

王諭諸將曰盍與公等親陳裕福以安生靈諸將

皆曰唯命於是回軍渡鴨綠麗史提綱時洪武二十一

年也文獻備考

壬申洪武二十五年太祖庫獻大王元年秋七月丙申 王即位

列聖誌狀 ○九月陪臣趙胖等持國都評議司奏言本國

恭愍王薨逝無嗣權臣李仁任以辛朏子禡主國事

昏暴自恣多殺無辜至欲興師侵犯遼東其時大將

李康獻王初諱以為不可而回軍禡自知負罪遜位于子

昌國人不順啓請恭愍王妃安氏擇立宗親王瑤亦

昏迷不法其子爽復痴無知羣臣國人以社稷生靈

為慮以王妃之命退瑤于私第擇于宗親無可以當

輿望者推門下侍中李康獻王初諱主國事伏望俯從輿

意以安小國之民禮部奏其事 帝曰高麗限山

隔海非我中國所治爾部移文從其聲教果能順天

道合人心則使命往來實彼國之福也皇明禮部奉

旨移咨曰三韓臣民既尊李氏民無兵禡人各樂天

之樂乃帝命也又咨問國更何號星馳來報列聖誌狀冬

閏十二月

皇明實錄

遣韓尚質以朝鮮和寧

永興府舊號

等號

請上裁

熾烈

詔曰惟朝鮮之稱最美且其來遠矣

續可以本其名而祖之體天牧民永昌後嗣

皇太子薨

王率羣臣制服遣使表慰

明史

癸酉二十六年

太祖大

春二月大赦國中用朝鮮之

號

朝野會通

○陪臣偃長壽朝京

帝賜對便殿備說

得天下之由曰汝君得國亦由是也天不與人不歸

則豈可力取也

昭代

○三月遣陪臣進馬九千八百

餘匹詔指揮王鼎

明史

運紵絲綿布萬九千七百餘

疋酬之

明史

○夏六月遣陪臣李恬賈納高麗印信

誌請更名曰

御從之

○遼東指揮使奏朝鮮國遣

守邊千戶招誘女真五百餘人潛渡鴨綠欲寇遼東

帝曰方來奉貢而復欲寇邊是自生釁端使使

勅之曰爾方遣使入朝聽約束而乃陰令邊將誘女

真人潛渡鴨綠意將何為爾能以女真人送京師盡

改前過朕亦將容爾自為聲教若重違天道則罰及

爾身不可悔也

皇明實錄

王惶懼械送逋逃軍民三百

八十餘人

明史

上表辨明曰至若行禮於遼東是亦景

仰於上國當使价往來之際有賓主交接之儀在禮

則然於誘何敢其有女真隸于東寧既皆作軍而當

差安肯遣人而說誘但遼東都司起取脫歡不花之時其管下人民或有不即隨行者由彼安土非臣勒

雷 帝怒其表辭倨傲命毋納使臣使至遼東不得入而還者五輩東閣雜記詔遣親男入朝龍飛御天歌○秋

九月陪臣南在回 帝命爾國使臣行李往來道路煩費自今年一朝文獻備考

甲戌二十七年太祖康獻大王三年秋九月皇明實錄 靖安君至京師龍飛御天歌奉表賀 天壽聖節詔諭自今朝貢進

賀免進表 靖安君恭定王御諱奏云以小事大之禮必因進表得達微誠况正朝 聖節華夷會同莫不

舉表進賀不敢不進實錄敷奏詳明詔通朝聘之路

優禮遣還龍飛御天歌○賜王冕服九章妃珠翠七翟冠霞帔金墜文獻備考

乙亥二十八年太祖康獻大王四年冬十二月遣賀正陪臣柳珣等奉表進賀 帝見其辭不遜謂禮部臣曰前者

朝鮮王數生釁端已嘗詰問彼謝罪之使方歸而侮慢之辭又至朕非不能伐之古人言不勤兵於遠所

以不即興師者以此今留其使者可移咨令遣撰文者至方歸之俾知生釁之由珣言表文是其國門下

評理鄭道傳所撰遂命遣道傳未幾釋珣還實錄

丙子二十九年太祖康獻大王五年春正月遣陪臣鄭總請印誥

皇明實錄不許編 ○秋九月 王送撰表人鄭總盧仁

度金若恒等三人至 帝謂禮部臣曰此輩略通

古今未知大道故任其小智調弄戲侮若朝鮮廢置

無乃皆數生之為爾部移文朝鮮無用是數生留之

京師必授微職以杜絕左右王之福皇明實錄留不遣史

時權近亦入朝叩頭曰臣等學不通方使我王之忠

誠不能別白於鞋續誠臣等之罪耳 帝曰豈謂

王所知仍親製律詩三篇賜之勅仕文淵閣近每稱

王回軍之義事大之誠 帝聞而嘉之亟稱老實

秀才陽村集

丁丑三十年太祖康獻大王六年春正月 帝諭禮部臣曰自

古分茅胙土之君必得正人君子國家乃昌任用小

人必亂其邦朝鮮王因王氏數終天將夏運遂有三

韓夏號朝鮮儀從本俗法守舊章有國之道全矣奈

何謀慮不遠罔鼓事大之道左右所用皆輕薄小人

不能以德助王撰鼓表箋按求構禱之言置王於無

容身之地此徒用之何益雖在朕不以為意然神明

之有禱不可逃爾部移咨國王俾知朕意皇明實錄○二

月以柳珣等蒙恩放還遣陪臣僉長壽辛有賢等貢

鞍馬金銀器人蓼等物至京師謝恩

帝謂禮部

臣曰前者王氏怠政而李氏繼興數生邊釁與語再三終不能止易云開國承家小人勿用朝鮮本新造之國所用皆非賢智之士恐非三韓之福昔子產凡為辭命草創討論修飾潤色必更數人之手而後行所以鄭國稱治如鄭道傳乃小人之尤者在王左右豈能為善宜諭其國王深思熟慮以保三韓皇明實錄○

冬十二月日本遣使來聘送校書監朴敦之報之楊

集帝嘗戒朝鮮使歸語王毋輕弛備以啓倭心

下璽書申諭蕃霞曰王國與倭為鄰都城及沿海地

方設築城子

國朝寶鑑賜火藥火礮明史本國奏文

戊寅三十一年

太祖庫獻大王七年

夏四月廷臣以朝鮮屢生釁

隙請討不許

明史詔禮部責之彼亦不悛討之未晚於

是洛國王曰自王當國以來假以入貢為名陰說守

邊將士啗以財賄羣臣屢請興師問罪我 至尊

恐傷生靈故不忍為 至尊之德海涵春育無所

不容嘗諭王改圖以全一國生民之命今中國距爾

三韓甚邇安可不責而正之乎雖責之其實教之也

雖教之其實愛之也 至尊之仁如此王之不悛

何也王之左右皆怵憚儉巧不肯以道導王專尚搆

裕以殃民其得罪於上下神祇昭矣鄭總至京罪已

承發而鄭道傳者王尚信用王宜深思熟慮以保三

韓母貽後悔皇明實錄○閏五月乙酉 帝崩明史○秋

九月丁丑 王傳位于 王世子世子即位列聖誌狀

謹按遼東指揮使奏辭以我國為招誘女真潛渡

鴨綠欲寇遼東至蒙 高皇帝勅諭竊伏惟念

我 庫獻王畏天順人以小事大粵自威化還師

之時大義皎如日星及夫受命 帝室奄有大

東恪修侯度以欽承 聖天子體天牧民之諭

海隅出日之邦乾坤清寧生靈奠安罔不率俾若

乃招誘羯獫潛謀犯順為中國患者乃徼外蠻夷

荒忽不常自處於禮義軌物之外者之所為也豈

或以 康獻王聖智首出義問夙彰而自生邊釁

以速大邦之噴言乎蓋當 高皇帝御宇之初

高麗即遣使請封虔奉 皇朝正朔旋又請款

于北元孤埋孤搢不能自守短垣至有金義殺使

崔瑩犯遼之事 皇朝之視東國直夷虜之耳

雖於革世改物之後中外之間已不能相孚重以

彝初之誑交亂上國萋斐易成貝錦汚巖至及王

牒讒人罔極亦何所不至邊奏之過於猜防廷議

之至請興師蓋亦事理之或然而勅諭鄭重開誨
備摯終不許六師之移不但為山藪包涵亦以當
日事情之有獨見於邊疆廟堂所未見之外也第
以表辭之不遜屢煩 皇勅亦以國初諸臣不
嫺辭命草創潤色有媿謔僞不能委曲導達自暴
其誠悃及夫 恭定王之承命入覲蒙被優禮則
亦以敷奏以言之遠過於文字翰誠而其本意之
非敢出於倨傲亦可見矣今於是書之編凡屬蘭
臺之舊藏蕉園之遺錄雖不敢不謹載亦不得不
明辨庶後之覽者有以深察乎當日中外之間蓋

有至難言者亦有至難明者不當以史筆而盡信
反致有不如無書之疑也

己卯建文元年定宗恭靖
大王元年春正月遣陪臣金士衡等賀

登極國朝

庚辰二年定宗恭靖
大王二年秋七月 王朝德壽宮上尊號曰

太上王列聖
誌狀○冬十一月辛未 王不豫傳位於

王世子癸酉 世子即位進尊號曰仁文恭睿

上王 太上王列聖
誌狀表陳以御諱 襲位許之明史

辛巳三年太宗恭定
大王元年夏六月 帝使通政寺丞章謹

文淵閣待詔端木禮來賜誥命印章誥曰錫以金印

長茲東土永輔中國列聖誌狀○帝使禮部主事陸

顯來賜大統曆文綺太僕少卿祝孟獻賜綵幣藥材

文獻考市馬吾學編○自麗儒鄭夢周建議革胡服有官

者紗帽學生平頂巾及是儒生冠服依中朝國子監

生例國朝寶鑑○冬帝使鴻臚寺行人潘文奎來錫

九章冕服文獻考秩視親王列聖誌狀

壬午四年太宗恭定大王二年春正月陪臣趙溫田賜文獻通考

一部文獻考○夏六月乙丑燕兵陷都城帝不知

所終明史○秋八月皇明實錄帝使都御史俞士吉來

朝野通須即位明史○冬十一月遣陪臣河崙等賀

登極崙與副介趙璞李詹議曰天子既與天下

夏始則吾王之爵命印章不可仍舊遂申禮部以

奏國朝寶鑑

癸未永樂元年太宗恭定大王三年夏四月帝嘉王忠誠事

大使都指揮高得左通政趙居任來賜以誥印仍封

為王列聖誌狀○遣陪臣李貴齡等入貢奏父王有病需

龍腦沉香蘇合香油諸物齋布求市詔太醫院賜之

還其布明史○秋九月先是王表請冕服書籍

帝嘉其能慕中國禮明史使通政寺承章謹文淵閣待

詔王延齡來賜袞冕九章錦緞紗羅列聖誌狀元史十八

史略山堂考索諸臣奏議大學衍義春秋會通真西

山讀書記朱子成書等二百二十四本魏院王妃珠

翠七翟冠霞被金墜明史紅紵紗大衫素紵紗團領明

會錦緞紗羅太上王錦緞紗羅列聖誌○冬十一月頒

大統曆於朝鮮國著為令明史凡外國朝貢後許於會

同館開市三日或五日惟朝鮮不拘期限大明會典○欽

差內使黃永奇齎至祭海岳山川祝文事撮要文有宗系

之誣文獻備遣陪臣李彬等辨誣朝野記聞禮部移咨奉

聖旨想是傳說差了準他改正昭代○遣陪臣貢

名馬皇明實錄時龍潭縣產馬高九尺神駿無比 王獻

于 帝帝曰國王愛我得神駒不自乘而送於我

罷鈞錄詔曾子絛賦天馬歌即進貢黃驢馬也識小錄

甲申二年太宗恭定大王四年夏四月賜朝鮮國使臣宴皇明實錄○

六月遣陪臣送牛萬頭至遼東先是 帝欲廣屯

田遼東詔禮部徵牛於朝鮮至是送至詔戶部每牛

一頭酬絹一疋布四疋仍賜王文綺表裏各百六十

皇明實錄○秋八月遣陪臣李至等奏表箋賀立 皇

太子皇明實錄○九月 帝使國子監丞王峻用來賜

紵紗衣一襲毛襖狐帽各一鈔三十錠皇明實錄絲帛藥

材及古今烈女傳文獻備考

乙酉三年太宗恭定大王五年秋七月春先是 王移咨禮部

曰廟社樂器損舊請差人齋價赴京收買以備用至是回咨曰奉 聖旨工部造成樂器差內史朴麟

等管送編鐘十六箇編磬十六片琴四張瑟二床笙二攢簫四管備 王率百官詣太平館親受賜樂

前導至昌德宮春通官考○遣陪臣尹穆等奉箋賀皇太子千秋節皇明實錄

丙戌四年太宗恭定大王六年 王親裸 宗廟始用 皇朝樂器文獻備考○禮部咨送欽賜通鑑綱目四書衍義等書魏院錄帽珠紵紗藥材文獻備考○秋七月遣陪臣崔士

威等貢金銀皇明實錄○十二月遣陪臣金承澤貢馬三十六匹皇明實錄

丁亥五年太宗恭定大王七年春正月 帝語陪臣曰國王至誠事大列聖誌狀○頒平定安南詔燃蒸○欽差內使金壽等來賜鸚鵡六籠雜記○冬十一月遣陪臣朴嘗等表奉儀物祭 仁孝皇后皇明實錄○十二月貢馬三千匹詔戶部運絹布萬五千疋償之明史使太監黃儼齋勅來賜銀幣文獻備考凡外國朝貢惟朝鮮國所進方物陳設奏進其餘俱該司驗過凡進馬惟朝鮮國先行面奏引過御馬監交收其餘俱該司驗過送鴻

臚寺引進大明會典

戊子六年太宗恭定大王八年春正月皇明實錄世子禔大讓君來朝明史

帝待之甚厚引陞御床執手慰諭昭代賜織金

文綺紗羅衣五襲其陪臣廉從鈔幣表裏有差皇明實錄

留邸之日六部尚書輪替對飯昭代及辭歸 帝

親製詩賜之皇明實錄仍令隨來陪臣李天祐李茂李來

等和進雜官雜記賜世子白金錦綺書籍筆墨鞍馬使中

官黃儼送至國而賜王朝服祭服白金千兩絨錦綺

羅百三十疋皇明實錄○陪臣具宗之回賜 高皇后

傳書五十本文獻備考○夏五月壬申 太上王薨

帝震悼罷朝列聖誌狀賜布帛千疋皇明實錄使都知監左少

監祈保禮部郎中林觀來賜祭文曰惟王敬順天道

效義摠忠恭勤事大遵承朝命益久益虔我 皇

考深嘉王忠誠特賜國號以伸寵異王功德之著雖

古朝鮮之賢王無以過也近以年高致位於子方當

優遊暮景乃遽云亾訃音之來朕甚痛悼賜謚康獻

誥曰秉心克莊好善不倦奉我 皇考嚴畏天事

大之心守茲東藩務保境安民之道摠忠紫極之尊

覃福玄菟之地方當謝政以遂優閒竟不憚遺遽然

長逝列聖誌狀○禮部咨送欽賜勸善書三百部文獻備考

己丑七年太宗恭定九年秋九月 帝使中官黃儼賜王

綵幣五十表裏諭令進馬助國用至則酬直皇明實錄○

光祿卿權永均回自京師欽奉宣諭使臣休從海路

教他旱路上來文獻備考

庚寅八年太宗恭定十年秋九月遣陪臣趙大臨等奉表賀

平胡獻馬皇明實錄 帝使中官來賜白金千兩紗羅

千疋絹五百疋舟州別集

辛卯九年太宗恭定十一年秋陪臣將歸例有賜賚禮部尚

書趙珙不以奏 帝曰是且使朕失遠人心遂下

獄明史○移咨禮部請差人賫藥單赴京收買 帝

使太監黃儼來賜藥材文備獠象牙犀角腦麝沉檀白

花蛇大明會典

癸巳十一年太宗恭定十三年夏六月遣陪臣尹子常等貢

馬百匹人蓼百斤雜色布百疋賀 車駕巡狩北

京賜之綺帛紗羅皇明實錄

丁酉十五年太宗恭定十七年夏五月 王置酒便殿輔臣

起賀曰 殿下至誠事大國家無事邊境晏然實臣

民之福也 王曰予殫其誠悃以事上國往者如此

來者難知脫若小怠必生釁隙可不畏哉國朝實錄○秋

七月陪臣元閔生等還賜王綵幣二百疋皇明實錄○冬

十一月 帝嘉王勤修職貢皇明實錄使奉御陸善財

褒獎仍賜文獻白金二千兩文綺表裏二百疋紗羅

絨錦五十疋馬二十四匹王妃文綺表裏八十疋皇明實錄

○十二月遣陪臣金得壽等貢鞍馬皇明實錄

戊戌十六年太宗恭定大春三月遣陪臣延嗣宗等貢

馬四十匹皇明實錄○秋七月 王言第三子莊憲王孝

弟力學國人所屬望請立為嗣從之賜勅諭曰立嗣

以嫡古今常道然國家盛衰實係嗣子之賢否今欲

立賢為嗣聽王所擇 王因上表謝并陳年老請以

莊憲王理國事 帝使光祿少卿韓確鴻臚丞劉

泉封莊憲王為國王皇明實錄八月 王傳位于 王世

子丁亥 世子即位尊 王為聖德神功上王國朝實錄

先是 上王以靖安君朝京也 帝在燕邸 上

王過謁 帝與語大悅寵遇款至及 帝登極

每語國人曰朕嘗見汝國主真天人也筆苑雜記○時俗

樂有觀 天庭受明命荷 皇恩曲覲 天

庭者 上王入覲蒙被眷禮而還也受明命者 上

王事大以禮 天子賜以明命從以印章冕服也

荷 皇恩者 王受 帝誥命也國人士大夫

歡忻感謝相與歌之樂學軌範○欽差太監陸善財奉勅

書及欽賜名稱歌曲一千本來王率羣臣奉上

王幸慕華樓結彩棚設儺禮以迎之文獻備考

己亥十七年世宗莊憲大王元年夏六月帝使中官齋勅獎

論時帝已遷都北京朝鮮益近而事大之禮亦

益恭中國有慶率遣使表賀貢獻其他慶慰謝恩無

常期或前使未還後使已至朝廷亦待以加禮優恤

賜賚他國不敢望也明史○秋七月對馬島倭賊犯

邊王命領議政柳廷顯長川君李從茂等往討馬

島昭代得廣東浙江等衛被擄人悉送京師列聖誌狀○

陪臣李之崇等回禮部咨送欽賜為善陰陽書六百

本文獻備考○八月帝使太監黃儼來賜上王及王

宴勅書曰列聖誌狀王祇事朝廷始終不怠比陳年老請

以子嗣爵夫繼世在于有後而傳緒在于得人王能

簡賢命德俾宗社有託且副國人之望朕用嘉悅特

遣太監黃儼齋勅勞王王其優遊暮年益膺壽福勅

國王曰爾父以爾孝弟力學可承宗社請嗣其爵位

爾尚念傳序之不易孝以事親忠以事君上俾子孫

世享其慶而一國之人亦永有賴焉其敬之哉并賜

為善陰陽書一帙皇明實錄時受宴于勤政殿禮樂之盛

聳動一國列聖誌狀○帝求興天寺舍利叅贊金漸

言石塔舍利四枚自新羅以來世世寶藏且有靈異願得畱鎮法門 王曰 天子求舍利當以寶藏者進獻豈可以是為靈異舊物匿不以獻上欺

天子乎雖無此物於我國保無灾恠國朝寶鑑○九月戊辰 仁文恭睿上王薨 帝使禮部負外郎趙亮

行人易節賜祭文曰溫純篤厚至誠樂善尊敬朝廷久而不替賜謚恭靖列聖誌狀

庚子十八年世宗莊憲大王二年時進表文不填日月 帝見之以表密授陪臣曰若下有司必請國王之罪故潛還之歸語汝國王後勿如是 王大怒杖書表提學

崔興孝而流之述燃恭○宋希璟如倭倭問陪來年號

希璟對以永樂倭脅以書龍集後偽號希璟不屈倭禮

遣之文獻備考

辛丑十九年世宗莊憲大王三年秋八月 帝將北征勅進士

馬列聖誌狀○九月尊 上王為太上王國朝寶鑑

壬寅二十年世宗莊憲大王四年夏五月丙寅 太上王薨訃聞

帝哀痛輟朝列聖誌狀賻布帛千疋皇明實錄使內官劉

景禮部郎中楊善來賜祭使臣着白衣烏帽以親王例行禮于廣孝殿文曰篤厚至誠聰明賢達作藩東土敬事朝廷忠順之心終始不替賜謚恭定詰曰莊

簡不羣溫厚樂善崇順天道尊事朝廷忠敬之心彌久而彌固職貢之禮益久而益虔列聖誌狀

癸卯二十一年世宗莊憲大王五年夏四月遣陪臣朴從愚等貢

馬三十匹皇明實錄○時 帝親征阿魯台續文獻通考秋

九月駐蹕沙城 王遣陪臣崔雲詣軍門奏事令還

北京待命皇明實錄○冬十一月先是勅貢馬萬匹至是

如數至皇明實錄 帝使少監海壽齋勅褒美列聖誌狀賜白

金千兩錦綺羅各三百疋絨絹四百疋皇明實錄

甲辰二十二年世宗莊憲大王六年夏四月 車駕次雲州陪

臣申商辭還賜之鈔幣皇明實錄○秋七月辛卯 帝

崩明史 王謂大臣曰 太祖皇帝遺詔天下臣民

喪服三日而除予則欲於三日後權着白衣視事至

二十七日即吉柳廷顯等以遺詔如此不可踰制

王竟行之國朝寶鑑○冬十二月遣陪臣賀即位皇明實錄

乙巳洪熙元年世宗莊憲大王七年春二月遣陪臣成概等賀冊

中宮皇明實錄○ 帝使內官尹鳳來褒獎忠懇

錫以綵幣列聖誌狀○夏五月己卯 帝崩明史○秋七

月行在鴻臚寺司賓署丞焦循禮部郎中鳴讚盧進

以即位詔頒朝鮮 帝諭之曰朝鮮為國東藩世

修職貢朕嗣承大統所宜詔告簡爾將命以禮自持

用副使任其慎之實錄○九月遣陪臣金謙等進香

幣皇明實錄○遣陪臣李原等賀登極文獻備考

丙午宣德元年世宗憲春正月 帝以王貢獻之

勤使尹鳳齋勅往勞實錄勅曰朕恭膺天命嗣承寶

位王屢遣使奉表及方物來覲具見至誠賜王及妃

列聖誌狀紗羅錦綺絲幣實錄○冬十月陪臣金時遇等

回以五經四書性理大全通鑑綱目賜王 帝謂

行在禮部尚書胡濙曰聖人之道與前代得失俱在

此書為天下國家者不可不讀聞國王勤學朕故賜

之若使小國之民得蒙其惠亦朕之所樂也實錄

丁未二年世宗憲春三月 帝使中官來賜白金

一千兩紗羅錦帛二百四十疋令進馬五千匹別集

資邊用明史○須登極詔稱慶設科懋蒸○秋九月遣

陪臣安壽山等貢馬五千匹實錄○王欲遣世子賀

正勅曰聞世子欲來朝觀已見王父子忠敬之心然

世子今當勤力學問之年况遠途跋涉非易可免其

來如已啓行亦令還國承命乃止列聖誌狀

戊申三年世宗憲夏五月 帝使太監昌盛等來

賜磁器列聖誌狀青花盤文獻備考○秋九月賜世子六梁冠

皇明實錄自 高皇帝賜以九章冕服秩視親王惟

王世子未有冕服列聖王以世子冠服無定制遣

陪臣卞季良奏請備文獻洪武中蒙賜國王冕服九章

陪臣冠服比朝廷遞降二等故陪臣一等比朝臣第

三等得五梁冠服永樂初世子禔入朝蒙賜五梁冠

服臣竊惟世子冠服何止同陪臣一等乞為定制從

之故有是命皇明實錄

己酉四年世宗莊憲大春三月 帝賜磁器列聖白

金三百兩紵絲紗羅五十疋綵帛三十疋皇明實錄○秋

八月勅國王曰王聰明特達恭事朝廷列聖比遣使

貢海青鷹犬足見王之誠故使回賜磁器五十卓至

可領之王國多珍禽異獸然朕所欲不在於此自今

勿獻皇明實錄○冬十一月皇明實錄洪永之際續稿朝鮮貢

獻方物有金銀龍頭盞之屬皇明實錄大約千餘兩續稿

王以金銀非本國所產遣親弟恭寧君相具由陳

請朝議難之 帝曰王必不欺豈可強人所無哉

列聖貢使數至其貢率用金銀此豈小國所辦今後

貢獻以土物效誠足矣皇明實錄戒使勿進續稿又勅曰

朝廷遣人至王國中待以飯食足矣毋以遺物王父

子敬事朝廷多歷年歲逾久逾篤朕所深知非左右

近習所能間也王無慮焉蓋嘗遣中官多所需求

帝聞之遂有是命皇明實錄

庚戌五年世宗莊憲大春正月詔陪臣吳陞等齋勅及

朝服襲衣歸賜世子皇明實錄○三月賜陪臣李宰等冠

帶皇明實錄○夏四月建州衛都指揮李滿佳等奏欲于

朝鮮市易而朝鮮不納 帝勅諭之曰朝鮮國王

素守禮法其事朝廷小心敬慎不外交于理為宜爾

等若欲市易聽于遼東境上不爾禁也皇明實錄○五月

帝以刀劍銀幣賜王皇明實錄勅曰王事大之心篤

於誠敬洵歷年歲不懈益隆眷王之贖良重嘉悅特

使中官昌盛等齋朕所御寶裝條環及刀劍銀幣諸

物賜王用示褒嘉皇明實錄○朝鮮民白隆等十七人泛

海市鹽因風漂至 帝憫之謂行在禮部臣曰十

七人皆死而得生即送還本國遂給道里費遣之皇明實錄

○冬十月 帝勅曰王至誠端恪故事朝廷朕

用嘉悅皇明實錄

壬子七年世宗莊憲大春三月遼東都司奏屯種耕牛

多死缺用 帝使內官昌盛等齋勅諭王皇明實錄曰

王之恭事朝廷恪共乃職朕已具悉皇明實錄特賜以紵

絲紗羅錦帛令選牛一萬頭送遼東都司仍使負外

即李顯運絹布五萬疋償其直皇明實錄或欲以罹疫錢

少為辭者 王曰予至誠事大乃以詐言規滅豈理

也練閣雜記○秋八月勅曰王恭事朝廷可謂卓然賢

王者矣肆朝廷待王亦前後一誠列聖誌狀○冬十一月

遣陪臣趙瑛等貢醢松菌及鷹 帝諭行在禮部

臣曰朝鮮貢獻頻數已非朕所欲今又獻松菌及鷹

菌倉物也鷹何所用珍禽奇獸古人所戒可諭其使

但貢服食器用之物若鷹犬之類更勿進獻皇明實錄

癸丑八年世宗莊憲大夏六月遼東總兵官都督巫凱

奏朝鮮國擅攻建州衛請詰問之皇明實錄 帝使指

揮僉事孟捏可來勅曰自今各順天道輯和鄰境勿

相侵犯庶幾共享太平之福敕諭○秋九月 帝

使中官昌盛齋勅賜王綵幣皇明實錄○冬十一月

帝賜王五經四書大全諸書初 王奏欲遣子弟詣

北京國學或遼東學校讀書 帝嘉之故賜之書

且勅曰王欲遣子弟入學具見務善求道之心但父

子遠違情不相合山川隔遠氣候不同或致不安不

若就本國務學之便也今遣書賜王以為教子弟之

資王其體朕至意皇明實錄○朝鮮陪臣列于殿內東西

班後序坐大明會典

甲寅九年世宗莊憲大冬十一月 帝初聞黑龍江

七姓野人議侵朝鮮至是朝鮮使還賜勅諭國王令戒飭守將嚴為之備并以備倭官軍所得朝鮮人賜衣給鈔遣還皇明實錄

乙卯十年世宗莊憲大春正月乙亥 帝崩明史○二

月 帝使即中李約負外李儀來齎勅諭王曰朕

初嗣大寶嘉與天下安于清靜王國朝貢一循舊制

非常貢之物悉皆正之因賜金織文綺絲幣等物明

續○三月放朝鮮國婦人金黑等五十三人還其國

金黑等自宣德初年皇明實錄以會做茶飯理辦膳事獻

編取來久留京師 帝憫其有鄉土父母之念特

使中官送回且諭悉遣還家勿致失所皇明實錄○夏四

月遣陪臣盧開等奉表慶賀皇明實錄○冬十月遣陪臣

南智等奏本國書籍鮮少所藏胡三省音註資治通

鑑趙完壁源委編多有欠缺金履祥通鑑前編陳樞

歷代筆記脫脫宋史本國無有願得領降及智回勅

曰奏請書籍今發去音註通鑑一部其餘書板損缺

待刊補完備領賜文獻備考

丙辰正統元年世宗莊憲大冬十一月陪臣南宮啓齋

大統曆回皇明實錄

戊午三年世宗莊憲大秋八月陪臣洪汝方等回列聖

賜遠遊冠絳紗袍玉珮赤鳥翅善冠龍袍玉帶

辛酉六年世宗莊憲大春二月先是建州夷酋凡察童

倉逋居朝鮮界上別酋李滿住以為言詔問 王亾

何凡察歸建州 王武備奏近日凡察等奏臣延殺

其部落又阻留一百七十餘家蒙朝廷勅臣放與完

聚臣聞命兢惶不知所措彼凡察舊居鏡城阿木河

即 太祖高皇帝賜服之地其兄猛哥帖木兒等

被深處亏狄哈攻劫不能自存臣祖憫之授以萬戶

職事撫綏備至臣父又陞以上將軍職復被七姓野

人等攻殺之并殺其子阿古悉焚掠其房屋財物凡

察等俱各失所臣撫恤之一如先臣撫恤其兄既得

所矣忽于近歲以耕農打圍為繇移住本國邊陲東

良地面乃潛逃與李滿住同處此時臣不及知安有

追殺之事其在此雷住者或因婚姻懷土不去或被

同類開諭而還非臣阻之也李滿住昔居婆猪江隨

其所索米鹽醫藥并皆給與恩惠不少復屢引忽刺

溫殺掠臣邊不已迺復誣臣前事妄瀆朝廷其背恩

作惡一何甚哉彼凡察滿住人面獸心天地間醜類

也敢懷凶狡必欲逞忿于臣而臣邈居外服不能自

明于黈纒之下臣實慟之 帝覽奏復勅曰自王之祖考暨王事我 祖宗以至于今數十年間恭勤之誠久而益篤朝廷禮待素加常等彼凡察李滿佳輩朝廷不過以異類畜之飢窮來歸則矜憫而養之所不絕之者亦意彼得所止則或者不肆鼠竊于王之境也彼之負王煦育之德朕既屢勅諭之其獸心確焉不移蓋其志已離勢難復合不若姑聽之耳比聞凡察有侵軼王邊之逆謀朕已遣勅嚴戒之不許作過猶慮獸心未可必故勅諭王備之其還與否不必計也皇明實錄○冬十一月 帝以王有宿疾

賜醫方并該用藥材列聖誌狀○十二月 王奏本國語

音與中國異凡遇 聖諭及使臣至國必資通譯

邇者遼東鐵嶺衛軍李相被擄至國頗識文墨語音

純正賜留本國以訓習語音 帝勅諭之曰欲留

李相足見王之謹于事大特允所奏皇明實錄

壬戌七年世宗莊憲大春二月遣陪臣李季隣等賀宮

殿成皇明實錄○夏五月元餘孛達達列聖誌狀今女真諸部

誘朝鮮使背中國明史使人齎書至北鄙邊將語之曰

天無二日民無二主今 大明皇帝統一天下汝

何發不道之語乎遂拒不納 王遣陪臣李邊成三

問馳奏京師列聖誌狀勅曰得奏知力拒達達事良用嘉

悅王之忠誠朕所素知初非待今之奏也特賜王絲

幣表裏王可領之皇明實錄

癸亥八年世宗莊憲大春正月以太皇太后喪遣

陪臣李孟等進香皇明實錄

甲子九年世宗莊憲大春正月王奏恭定王冠服年

久穢汚不潔乞賜新者以備服用從之皇明實錄○二月

帝勅曰朕承大統王克紹先志朝貢以時凡所

論邊事悉能遵奉罔有違怠王其賢哉特賜王冠服

以表眷遇之意列聖誌狀○先是對馬一歧等島賊倭侵

擾上國又犯我濟州邊將擒捕之其逃還本島者

王諭島主捕送即將失刺沙也門等六十名械送京

師列聖誌狀帝勅曰王克體爾先王敬天事大之心

秉公據誠久而彌篤肆朝廷加恩眷待不替益隆可

謂君臣一心終始靡間者矣王茲復械送犯邊倭賊

來獻足見王遵奉朝廷體國安民之心亦以見守邊

得人而有禦暴之功然此賊譎詐狡險狐鼠為心尚

慮殘黨竄伏竊圖報復王自今益宜戒約守邊頭目

嚴切隄備遇賊出沒乘機勦捕仍差人馳報遼東摠

兵等官防慎務俾賊黨殲滅邊境肅清彼此人民輯

寧惟永庶副朕一視同仁之意遂賜王粧花絨錦緞
六疋織金紵絲麒麟等緞四疋各色紵絲共一十六

疋

皇明實錄

乙丑十年

世宗莊憲大

春二月遣陪臣唐孟賢等械倭

至京

帝勅諭曰

皇明實錄

世守東陲奉職摠誠益謹

靡懈肆朝廷嘉善重賢禮遇優加所謂德厚者寵榮

王其有焉

列聖誌狀

曩者倭賊出沒王境王已生擒解來

今復獲其餘黨解送益見王忠誠衛國之心良用嘉

悅然蠢爾倭寇固有悛心若復寇邊朝廷必命官軍

勦滅之或復侵軼王境王宜調遣將臣搗其巢穴盡

俘其類用寧邊患則王之功烈將匹休於古之賢藩

而垂令譽于無窮矣其欽承之

皇明實錄

○冬十月遣陪

臣朴堧等貢珍品

皇明實錄

丙寅十一年

世宗莊憲大

冬十一月遼東守臣奏朝鮮

咨稱茂昌郡被野人剽掠人畜疑是建州衛部落所

為詔兵部移文廉察而以璽書諭王曰

明史

王素重

德義為賢藩屏宜敦崇和睦保境恤鄰副朕一視同

仁之心

皇明實錄

戊辰十三年

世宗莊憲大

春正月

帝勅曰王敬天

事大逾久逾虔特賜王綵幣表裏

列聖誌狀

○冬十二月

實錄明詔調發朝鮮兵會遼東征北寇明史

己巳十四年世宗莊憲大秋八月壬戌 帝北狩明史

時北虜也先入犯京師朝貢路梗遣陪臣鄭陟入京

朝見新 皇帝而還東閣雜記○冬十月也先薄都城

詔徵兵于朝鮮明史○頒即位詔明史遣陪臣奉表賀登

極列聖誌狀○ 帝使侍講倪謙刑科給事司馬恂賜

勅曰爾以王爵世守東陲奉藩于朝屢修職貢眷茲

誠悃良足褒嘉今朕嗣統之初宜申播告之令特茲

詔示賜以禮物尚益懍忠永固藩屏列聖誌狀

庚午景泰元年世宗莊憲大春二月遣陪臣李含等貢

馬五百匹奏曰以北虜犯邊令備馬二三萬匹赴京

臣念世蒙 列聖恩澤至深至厚敢不盡心奉詔

但弊邦此因鄰寇構釁邊警不絕戍守馬匹踣斃耗

損十居六七雖收拾中外大小官負有馬之家未堪

充辦臣竊欲措辦五千匹以進儻有餘力可為安敢

構詞欺罔 帝曰虜寇今稍息王又措辦艱難馬

已至者受之以銀三百兩紵紗羅各三十疋絹一百

疋償其直未至者止勿貢皇明實錄○王奏請賜世子冕

服從之皇綱○壬辰 王薨 王歷事 五朝忠

義精誠出於至性特被 列聖寵眷錫賚之繁褒

美之數古今所罕丁酉 王世子即位 帝使太
監尹鳳奉御鄭善來賜祭文曰敬天事上克秉忠誠
保境撫民藩維用固賜謚莊憲誥曰恭謹奉乎君上
惠愛孚于國人惟朝廷之命是從誓夷虜之誘不納
志同金石義全始終列聖冊封世子為王勅諭以篤
承先志益勤事上之誠恪守臣節永修職貢之敬簡
任賢良博行善道以保爾邦又詔示國人實錄曰故
國王自受封以來克承先志敬天事上罔有怠違屬
茲云公宜有繼承世子恭順王王之嫡長性資忠厚
國人攸歸今勅封為國王繼主國事凡國中大小臣

庶務盡乃心輔翼善道各循禮分毋或僭踰必使國
人安生樂業永享太平之福庶幾可副朕懷故茲詔
諭咸使聞知列聖○秋八月丙戌 上皇還京師
明 王以冕服率羣臣遙賀大宥境內曰北虜構禍
皇輿播越臣民痛憤盖有日矣 皇靈遠振
虜既效順而 大駕言旋四海均歡今見詔旨顧
惟大慶罔間遐邇宜體 聖心用布寬典列聖○
遼東奏報開原瀋陽有寇入界掠人畜係建州頭目
李滿住等為嚮導因諭王相為犄角截殺之明○遣
陪臣方致知等貢馬一千四百七十七匹以備戰陣

之用命致知等齋勅并冕服冠服白金三百兩紵絲

三十疋羅三十疋絹四千四百三十一疋綿布二千

九百五十四疋歸賜王及妃皇明實錄○冬十二月遣陪

臣李純之進種馬五十匹皇明實錄

辛未二年文宗恭順元年夏五月陪臣皇甫仁回 帝賜

王誥命誥曰故國王慈惠謙恭聰明特達樂善循理

纖毫能勤敬天事上終始一誠仁孝孚於國人功烈

著於邊境敬恭朝命斯須不違竭力殫心惟恐不及

自朝鮮有國以來罕有如王者也乃其世子忠孝有

誠敬慎不懈永率乃父之行往膺朕命列聖誌狀

壬申三年文宗恭順二年夏五月先是李滿住管下金納魯

到江界府稱說滿住措辦土物令其子出來 王諭

本道都節制使曰滿住作耗遼東得罪上國義無許

和慎勿納境陪臣趙由禮等回列聖誌狀勅諭曰朕惟建

州諸夷皆是 祖宗以來設衛授職俾管束人民

所以眷待之者甚厚而背義忘恩乍臣乍叛譎詐百

端况滿住等素與王國修隙今一朝通好此必假以

投順為名窺伺虛實然後招引他寇乘間肆侮其為

王國之患無疑王宜戒飭邊堡官司嚴慎隄備如彼

遣人至邊果無釁端惟拒而勿納有則擒之解京庶

免後患當為王賞有功者王其慎之皇明實錄 王益戒

邊將欽依遵守遼東軍民為野人所虜而到國者皆

資衣糧送還至是安完慶回 帝勅曰王屢將被

虜漢人送赴遼東具悉王之誠意列聖誌狀 ○丙午 王

薨庚戌 王世子即位列聖誌狀 ○六月遣陪臣李蓄等

貢海青仍詔齋勅并綵幣表裏歸賜王皇明實錄 ○秋七

月 帝使內官金興金宥來賜祭文曰敬天事大

終始一心賜謚恭順誥曰存心既仁樂善不倦恭順

以事上惠愛以及人惟朝命之是祇誓外誘之不納

敦修貢職禮敬兼全固守藩陲初終不懈朕方隆於

眷倚爾遽及於薨亾宜有褒揚以示旌異封世子為

國王賜誥命誥曰故國王端重謙溫聰明勤儉敬天

事上始終一誠贊父王既已有年致國人靡不信順

恭承朝命斯須不違蓋其先王之賢子賢孫也爾乃

恭順王御諱 之嫡子既賢且長傳襲惟宜惟率乃祖乃父

之行庶稱朝廷獎賢之心列聖誌狀

甲戌五年端宗大二年秋八月陪臣黃致身回勅賜宋史一

部國朝寶鑑 ○冬十一月命文武百官團領習背之制依

皇朝儀章照品穿着國朝寶鑑

乙亥六年端宗大三年夏閏六月乙卯 王禪位于 首陽

小華外史卷之一

大君大君即位尊 王為上王 列聖誌狀

丙子七年 世祖惠莊大王元年 夏四月 帝使太監尹鳳金興

來賜詰命冕服 列聖誌狀 ○冬十一月遼東都司奏朝鮮

王欲遣世子 皇明實錄 朝見 帝諭曰王要遣世子來

朝乃古者列國世子受命于朝之意亦人臣敬上之

所當然緣今天寒跋涉艱難世子已到關上即使入

朝如未到關不必來朝世子已登途聞命止之 列聖誌狀

小華外史卷之一

小華外史卷之二

首陽逸民吳慶元 編輯

男顯相重校

丁丑天順元年 世祖惠莊大王二年 春二月 王聞 太上皇

帝復位奉表稱賀 列聖誌狀 ○ 帝使翰林院修撰陳

鑑太常博士高閏齋詔勅賜王及妃錦幣表裏 列聖誌狀

戊寅二年 世祖惠莊大王三年 冬十二月山東都司登州衛摠旗

鎖慶等四十五人遭風漂流到我國境 王親見勞

慰厚資衣糧解赴遼東 帝降勅褒獎 列聖誌狀

庚辰四年 世祖惠莊大王五年 夏六月 皇明實錄 王以書籍鮮少文

學未精請遣子弟入學列聖誌狀 帝勅諭曰前代之

制或命八才子往教或遣子弟入學他如王彬等擢

科遣還韓昉輩因使暫留之類蓋由當時文學未盛

又以中國好大之君取以為一時美觀而已我

祖宗以來不行此制矧今王國詩書禮義之教傳習

有素表箋章奏與夫行移吏文悉遵禮式雖未能盡

通漢音通事傳譯未嘗不喻何必子弟來學朕

祖宗之制不欲慕襲虛美王亦當恪守舊規率勵國

中子弟篤志經籍皇明實錄

辛巳五年世祖惠莊大移咨禮部乞頒洪武正韻春官通考

甲申八年世祖惠莊大春正月乙卯 帝崩 王將行

養老宴聞諱音命止之國朝寶鑑○夏五月遣陪臣黃守

身等賀登極皇明實錄

乙酉成化元年世祖惠莊大冬十二月陪臣李門炯來朝

卒於道詔賜祭并賜綵幣慰其家明史

丙戌二年世祖惠莊大冬十月遣陪臣金永需等貢白

鵲皇明實錄

丁亥三年世祖惠莊大春正月遣陪臣崔景禮等貢海

青文魚及景禮等陞辭賜勅曰朕即位之初詔不許

進貢花木鳥獸繼今進貢宜遵常例勿事珍奇昔周

武王慎德四夷咸賓畢獻方物惟受其服會器用於
旅葵則却之朕所法也王詩書禮義之國豈其未知

此乎王其愧念知之皇明實錄○冬十月建州女真寇遼

東皇明通紀帝命左都御史李秉武靖伯趙輔往遼

東征建州別稱遼東百戶白顛齋勅來列聖勅曰建

州三衛董山等本以藩臣世受朝恩以為藩衛近者

陽為朝貢之名陰行盜邊之計朕宥之而愈肆不得

已用兵致討王宜閉絕關隘以杜其奔逆之路更能

遣兵相應伺便而蹙之則王之功愈茂忠愈彰矣朕

豈無以報王哉勉樹勲名時不可失皇明實錄 王命魚

有沼南怡康純領一萬兵燃渡鴨綠潑豬二江攻

破兀彌府諸寨斬李滿住及其子古納哈等三百八

十六級生擒二十三人獲牛馬等畜二百餘焚其積

聚二百一十七所皇明實錄獻俘于京師盡歸上國被擄

男婦國朝寶鑑

戊子四年世祖春正月 帝使內臣金輔齋

與之勅曰嚮者朕命將率師致討建州逆虜俾王協

助天兵王遣中樞院官康純等統衆萬餘斬虜酋李

滿住古納哈父子得其所掠我東寧衛人口來獻良

由王世篤忠貞故朕以尺札命王而王國之衆響應

于海東與朕之將士內外合勢逆虜瓦解王可謂無
負朕所命朕與王君臣同心豈不美哉賜王綵緞白
金紋錦西洋布其康純等賜白金表裏以旌其勞王
其欽承之皇明實錄○秋九月癸亥 王傳位于 王世
子世子即位尊 王為太上王甲子 太上王薨國寶
鑑 王自受命以來竭誠述職慎守藩翰凡有
帝命恐不及祇若 天眷特加荐蒙寵綏東民歡
悅列聖誌狀○冬十二月 帝使太監崔安鄭同等來
賜祭文曰敬天事上終始一誠賜謚惠莊誥曰溫仁
賦質經史娛心嘗執贄而來朝繼屢世而得國冕服

膺九章之賚車書歸一統之尊備屏翰十四年瞻闕
庭數千里秉禮豈殊於近甸助威况殄於遠夷列聖誌狀
○太監鄭同崔安既行遼東御史侯英奏曰今同安
俱朝鮮人墳墓宗族皆在見其國王不免屈節殊藝
中國體乞寢成命或翰林或給事中及行人內選一
員往使 帝曰自後賞賚遣內臣其冊封正副使
選廷臣有學行者明史
己丑五年睿宗襄悼大王元年春閏二月 帝使太監崔安沈
繪來封世子為王賜誥命勅曰確秉臣節永固藩邦
又詔示國人曰故國王自膺封爵忠篤不懈文焉修

覲貢之禮武焉伸敵愾之威朕用嘉之謂為東藩純

臣今特封王之世子襲王位以摠國務早象父賢嗣

保疆域本國大小臣民其奉順嗣王畏天事大無或

替于爾先王之時列聖誌狀○冬十一月戊申 王薨

者山君即位寶鑑國朝

庚寅六年成宗康靖大王元年夏五月 帝使太監金興行人

姜浩來賜祭文曰恪秉忠誠作朕藩輔賜謚襄悼誥

曰儀容淵默學問疏通布德行仁不替承先之志應

時修貢克堅事大之心并賜王誥命誥曰聰明天賦

學問夙成尚慎始終毋忘訓飭列聖誌狀

辛卯七年成宗康靖大王二年夏四月 王奏往年討建州本國

效順擒斬李滿住其子今欲報讐聚眾肆毒乞飭近

臣審賊形勢應援詔可皇明實錄

壬辰八年成宗康靖大王三年春三月 皇太子訃至禮官請

以明日舉哀 王曰哀切於中奚待明日即率百官

舉哀列聖誌狀

丙申十二年成宗康靖大王七年冬十二月禮部奏往年精膳司

所呈朝鮮使臣筵宴事已經奏行請申其令 帝

曰宴待本綏遠之道所以尊隆國體起其瞻仰非但

飲食之而已必器具整齊品物豐潔始稱鼓鼓今後

筵宴并酒飯令光祿寺堂上官視之仍以禮部官員督察敢有不遵者并治以罪皇明實錄

丁酉十三年成宗康靖大王八年冬十一月詔許朝鮮國市弓角

皇明實錄時禁外國互市兵器朝鮮奏小邦北連野人南接倭島五兵之用不可缺一而弓材所需牛角仰於

上國 高皇帝嘗賜火藥火礮待遇異於諸藩今

望特許收買不與外藩同禁兵部議歲市弓角五十後以不足於用請無限額詔許倍市明史

己亥十五年成宗康靖大王十年冬閏十月建州女真數寇中朝

邊境國朝寶鑑 帝命太監汪直撫寧侯朱永右副都

御史陳鉞征建州夷弁州別集仍詔王夾擊皇明實錄 王即

遣陪臣魚有沼領兵入攻有沼以江水水合旋解罷

兵還 王治有沼罪夏遣左議政尹弼商節度使金

嶠領兵四千直擣賊穴列聖誌狀斬首十六級生擒男婦

十五人獲遼東婦女被擄七人及牛馬毀其廬舍皇明實錄

庚子十六年成宗康靖大王十一年春正月遣陪臣魚世謙獻捷

帝勅曰往年朕致討建虜爾國先王發兵來助

用能克捷茲者賊猶稔惡不悛朕從廷議出師討之王發兵來助始因江泮不獲與我師合勢同成厥功

而後兵亦抵巢攻勦斬其部屬得我邊衛人口遣陪
臣來獻王之忠誠於前世可謂能繼于朕命可謂無
負矣令聞豈有窮已使內官賜王絲緞白金紋錦西
洋布其領兵官亦各有賜以旌勞勩皇明實錄後使還遣
其臣許熙伴送熙歸至開州建州騎二千邀之掠其
從卒三十餘人馬三百餘匹他亾物稱是令譯者窮
究期於必得仍賜熙白金絲幣慰安之明史○秋七月
朝鮮為建州女真邀劫請改貢道皇明通紀築鳳凰山城
為入貢之道明史

壬寅十八年成宗康靖大夏六月陪臣朴植卒于會同

館詔所司給棺木送還本國并賜以祭皇明實錄

丁未二十三年成宗康靖大秋八月己丑 帝崩明史

王率百官舉哀列聖誌狀時徵諸道兵將講武會訃至

朝議以軍國重務不可輕廢待服除講閱命停之文獻

備考○冬十二月遣陪臣盧思慎等賀登極皇明實錄

戊申弘治元年成宗康靖大春 帝勅曰王國世篤

忠誠錫賚之典尤所當厚特遣春坊右庶子翰林侍

講董越給事中王敞齋勅諭王并賜王及妃幣帛

紋錦至可收領尚其體朕眷懷秉禮服義益隆藩輔

共享太平之福列聖誌狀

庚戌三年成宗康靖大年冬十二月以皇太子誕生

稱慶設科燕慕

癸丑六年成宗康靖大年夏四月以唐紗帽賜承旨曹偉

曰衣冠當從華制故以此賜之欲使人觀法也國朝寶鑑

甲寅七年成宗康靖大年冬十二月己卯王薨王畏

天事大出於至誠凡于貢獻必親自監視列聖誌狀

帝使太監金輔李珍行人王獻臣來聘絹布各五百

疋皇明寶鑑賜祭文曰嗣守東邦為國藩翰恪恭奉職二

十五年終始不渝朕所嘉尚賜謚康靖封世子為國

王賜誥命勅曰祇承君命克紹先業悖孝崇信保境

安人民物康阜疆圉寧謐以為中朝藩屏之重又詔

示國人曰大小臣民悉奉教令上下和睦克繼爾先

王以稱朕彰善柔遠之意皇明寶鑑

乙丑十八年燕山君夏五月辛卯帝崩明史○冬十

二月遣陪臣慎守勤等賀即位皇明寶鑑

丙寅正德元年中宗恭僖年秋九月戊寅康靖王妃廢

燕山君迎晉城大君即位國朝寶鑑

丁卯二年中宗恭僖年夏四月帝勅曰爾國素稱秉

禮而爾方執謙茲特命爾署理爾國大小庶務以國

王體統行事爾尚益敦孝睦以係羣望統厥臣庶綏

定爾家邦朕將有後命欽哉實錄明○冬十二月實錄明

帝使太監李珍陳浩來賜誥命列聖誌狀

庚午五年中宗恭僖大王五年春正月大祀慶成宴朝鮮使臣在

殿東第七班明史

丙子十一年中宗恭僖大王十一年夏六月命罷忌辰設齋薦福

一遵 皇朝禮行祭 陵寢國朝寶鑑

己卯十四年中宗恭僖大王十四年春二月初 恭定王以永樂

元年祭海嶽山川祝有宗系之誣遣陪臣文獻備考奏辨

太宗許令改正近所修 大明會典復注

祖訓朝鮮國下且云李氏連弒四王貢使市以歸

國 王上疏備陳世系本末及四王始終無弒逆迹

乞為改正下禮部議以會典一書詳載我朝制度其

事關外國是非嫌疑之間皆在所略况康獻王御諱之得

國出 皇祖之命其不係仁任後又有 太宗

明詔可徵實錄明而一統志又著王瑤昏迷康獻王初諱為

眾所推之語與本國所奏相符 皇上念其好文

守禮之國監其為祖辨誣之誠文獻備考宜從其請詔可

且嘉其誠孝而賜勅諭之實錄明

辛巳十六年中宗恭僖大王十六年春三月丙寅 帝崩明史○

秋八月遣陪臣李惟清等賀即位實錄明○山東巡按

御史楊百之言朝鮮秉禮之邦乃遣內臣奉使其辱國損威甚矣聞朝鮮王久欲請封畏使臣之婪需濡遲至此故其國中有一次受封五年告乏之語非所以尊中國服遠人也乞今後遣使朝鮮皆于文職中擇進士出身者充之不宜使內臣辱國命詔所司知之

皇明實錄

壬午嘉靖元年

中宗恭僖大

春三月陪臣姜澈等乞觀

幸學禮許之

皇明實錄

○秋九月陪臣申繼宗病卒賜諭

祭備棺斂送歸本國應領賞賚付同來使臣給授其

皇明實錄

癸未二年

中宗恭僖大

夏四月陪臣申公濟孔瑞麟等

辭朝之日書狀官金紀以下十三人皆不參

雜記

詔逮問序班趙文用等其朝鮮通事金山海奉使不勤

命禮部宣諭國王治之

皇明實錄

王震怒推治一行人

貪盡革其職

雜記

○秋八月倭奴藤原中林等寇上

國寧波府殺邊將掠人民漂到黃海境守臣捕獲以聞 王遣陪臣成世昌奏獻俘馘并還被搶漢人

帝降勅褒諭

國朝實錄

賜白金百兩錦四端紵絲十二

表裏使臣及領兵官賚銀幣有差

皇明實錄

己丑八年

中宗恭僖大

秋八月陪臣柳溥等呈言本國

小傳卜史

卷之三

十

祖李康獻王御諱不係李仁任之後而 皇朝祖訓及

會典所載俱屬仁任已於永樂及正德間奏請改正

俱蒙俞允而迄今尚未行今幸遇重修會典乞為改

正禮部以請 帝許之詔開送史館纂輯皇明實錄

辛卯十年中宗恭僖大冬十一月遣陪臣尹仁鏡等賀

冬至節皇明實錄

癸巳十二年中宗恭僖大冬十一月禮部言朝鮮五年

一貢種馬皆與朝正使同詣闕今正朝之賀改於冬

至則獻馬使者宜與賀冬至使偕俱請省諭其國如

令報可皇明實錄○十二月詔宴朝鮮國陪臣任樞等於

禮部 帝以朝鮮朝貢如期故自宴賞常例外特

加一宴以示褒獎皇明實錄○遼東民人五百餘名來威

化島住接耕種移咨乞禁差官到境立禁標石朝野

甲午十三年中宗恭僖大春三月朝鮮國使人等許令

出館遊觀春明夢餘錄先是朝廷禮遇我使與他國不同

聽拜謁太學出入不禁後因女真使者殺夷人遂一

體防禁時進賀陪臣蘇世讓呈文禮部乞復舊例詔

出入不必限制文獻備考

乙未十四年中宗恭僖大秋九月遣通事序班一人護

送朝鮮使出境自後歲以為常皇明實錄

丙申十五年中宗恭僖大冬十一月以皇子生使

翰林院修撰龔用卿戶科給事中吳希孟充正副使
須詔于朝鮮賜王以紋綺絲緞皇明實錄

丁酉十六年中宗恭僖大春正月初我國衣服好為濶
袖長裾幾至曳地至是天使來言其不合華制

於是命禮官考據大明會典參以國初古制定
為常式國朝實錄○二月以皇嗣生遣陪臣丁玉亨

等奉表稱賀賜王勅書及綵緞絨錦皇明實錄○秋八月
遣陪臣南世雍等賀夏新廟制加上兩宮

徽號皇明實錄○九月戶科給事中吳希孟使朝鮮還言

朝鮮素稱恭順而國家亦禮待之邇者齎詔至彼其
王又能恪遵典禮故事不違良可嘉尚請自今凡詔
咨勅諭事關禮部制者宜使之一體知悉不必遣官
但因其朝貢陪臣即令齎回庶以見朝廷有禮懷遠
人之意詔可皇明實錄

己亥十八年中宗恭僖大夏五月皇明實錄遣陳慰陪臣鄭

萬鍾進香陪臣沈連源至京師稱官雜記帝嘉其忠

誠戒有司治具豐潔以宴勞之皇明實錄○遣陪臣洪慎

等奉表賀皇明實錄睿宗祔太廟配享明堂帝

特御奉天門引見賜宴禮部皇明實錄○時帝生母蔣

太后崩葬于湖廣 帝隨幸遣欽問使李清奉表

陳慰及清之回褒賜龍衣文獻○聞 皇朝重纂

會典遣陪臣權撥等辨証申請降勅曰爾國宗系事

成祖 武宗俱有明旨朕亦具悉但 高

皇帝祖訓萬世不刊至於會典所載則他日續纂宜

詳錄爾詞朕方嘉爾忠孝可無遺慮也國朝寶鑑

辛丑二十年中宗恭僖大秋八月遣陪臣李霖進慰

太廟灾國朝寶鑑

癸卯二十二年中宗恭僖大春三月 王以壬寅宮變

帝宿曹妃宮宮嬪楊金英以組縊遣陪臣金益壽上

表問起居賜宴禮部以示優眷賜王錦幣皇明寶錄

甲辰二十三年中宗恭僖大冬十一月庚戌 王薨乙

卯 王世子即位 帝使太監郭珣行人張承憲

來賜祭文曰嗣守遐邦為國藩屏循禮慕義臣職恪

恭垂四十年始終罔替賜謚恭僖聖○十二月漳

州民李王之等載貨由值颶風漂至朝鮮 王捕

獲三十九人械至遼東都司 帝嘉王忠順賜銀

五十兩絲幣四表裏皇明寶錄

乙巳二十四年中宗元夏五月 帝使太監張奉

吳猷來賜王誥命誥曰修身謹行遵我王道輯寧邊

境克紹先緒列聖○秋七月辛酉 王薨丙寅 慶

原大君即位 帝使太監劉遠行人王鶴來賜祭

文曰執喪毀瘠遂三隕生抑且平居守禮循義訃音

來至良用悼傷賜謚榮靖列聖○特賜陪臣一品宴

于禮部雜記

丙午二十五年明宗恭憲 大王元年春二月 帝使太監聶寶

郭鑾來賜王誥命誥曰習尚每嗜乎詩書風教素承

乎禮義繼守舊封思續前人之緒寵頒新渥益增藩

服之光毋忘北闕之恩永作東方之翰列聖○遣陪

臣南世健等賀 太廟禮成解送通番人范顏容

等六百一十三人至邊 帝嘉其忠順賜白金五

十兩紋綺四襲世健等并賚以銀幣皇明 實錄

丁未二十六年明宗恭憲 大王二年春三月 王咨稱福建人民

古無泛海至本國者頃言李王乞等始以往日本市

易為風所漂今又獲通番奸民馮淑等三百四十一

人前後共千人以上皆挾帶軍器貨物前此倭奴未

有火砲今頗有之蓋此輩闌出之故恐起兵端貽患

本國詔巡按奏處仍賜王銀幣以旌忠順皇明 實錄○秋

七月先是諭禮部令以楮張來進至是遣陪臣張世

豪等進咨紙千張賜王白金襲衣皇明 實錄○特許本國

使臣同書狀官及從人二三各於郊壇及國子監游
觀禮部劄委通事負伴行撥館夫防護以示優異

贈

己酉二十八年明宗恭憲大秋八月遣陪臣李賞等進表

奉慰及祭文香品詣莊敬太子墳所行禮實錄

壬子三十一年明宗恭憲大以洪武永樂間所賜樂器壞

弊奏求律管更乞樂官赴京校習許之史

癸丑三十二年明宗恭憲大冬十月擒漂流倭賊因賀冬

至陪臣李鐸等獻俘 帝勅曰邇者倭夷侵擾海

陬屢駭南直隸浙江等處督兵驅出餘倭奔逸沿海

地方嚴加戒備茲王擒獲漂流餘孽管押解獻奉藩

忠赤朕甚嘉悅仍賜白金紋錦綵緞國朝實錄領兵官有

功者賜銀幣皇明實錄

丙辰三十五年明宗恭憲大夏五月倭船四艘自浙直

敗還漂泊至朝鮮境 王遣兵逆擊于海中盡殲之

得中國被擄并助逆三十餘人遣陪臣沈通源以聞

并歸俘 帝嘉其忠順賚銀幣仍賜璽書褒獎通

源及獲功人李潤慶等厚賜而遣之皇明實錄

丁巳三十六年明宗恭憲大以府居失火 恭僖王及

妃 榮靖王及妃誥命俱被燒燬遣陪臣李名

珪等具實聞奏詔補賜朝沙

戊午三十七年明宗恭憲大春正月以大內災遣陪臣

南宮悅等奏表入慰實錄

己未三十八年明宗恭憲大冬十一月遣陪臣尹毅中

奏倭寇駕船二十五隻抵本國海岸遣兵官李鐸等

獲所掠中國民陳春等三百六人內招通倭嚮導陳

德等十六人即令毅中等攜至闕下詔嘉王忠順降

勅獎勵賞銀一百兩錦四端絲緞十二表裏賜毅中

及通事尹恕等銀帛實錄

庚申三十九年明宗恭憲大冬陪臣吳祥赴京至閭陽

驛徒賊萬騎來圍本堡廣寧護送軍與我使皆避入

城中驛丞力不能禦欲開門出降譯官郭之元曰汝

以守官職當死敵乃欲投降法當斬驛丞大懼始登

城戒守行中軍官用片箭射賊賊乃解圍去摠兵楊

照取片箭觀之謂之元曰今日完城乃汝之力稗官

辛酉四十年明宗恭憲大秋九月先是朝鮮陪臣柳榮

入賀 聖節於遼東道上為虜所掠傷其從官一

人至是 王言其狀詔自今朝鮮貢使遣守兵送迎

仍賜絲帛絹紗恤其故從官家實錄

癸亥四十二年明宗恭憲大秋九月實錄遣陪臣金澍

等列聖誌狀復上書辨其先世不係李仁任之後今雖蒙

恩釐正請仍著始祖李康獻王御諱父桓祖御諱之名庶傳言

有據 帝允其請令錄附會典之末皇明實錄勅諭曰

朕惟體臣柔遠帝王御世之經溯本明宗子孫光前

之孝咨爾朝鮮國王世篤恭順作朕東藩屢以祖系

陳乞釐正蓋耻蒙詬訾而憲於昭雪情見于辭朕特

允爾所奏宣付史館因會典之舊文載爾祖之真派

滌瑕傳信如炳日星朝廷與爾國皆知出於李桓祖御諱

而不出於李仁任也是一以安爾祖於既往一以慰

爾望於斯今於爾國不有榮施哉列聖誌狀

丙寅四十五年

明宗恭憲大

王二十一年冬十二月庚子

帝崩

明史 王率羣臣力疾舉哀列聖誌狀

丁卯隆慶元年

明宗恭憲大

王二十二年夏四月遣陪臣權轍等賀

即位皇明實錄○六月辛亥 王薨 王事大之誠出於

至性凡修聘接使之際致謹于書禮役志于享物必

極其忠敬於 皇朝吉凶之事慶憾之情如不違

咫尺焉列聖誌狀秋七月丙辰 河城君即位國朝實錄○八

月 帝將幸太學朝鮮使李榮賢乞留觀禮許之

明史及 駕幸榮賢等六員各具本等衣冠赴彝倫

堂外立文臣班次之次太學志○冬十一月遣陪臣沈

銓等歸被倭掠去人民二十餘人 帝嘉其忠順

賜勅獎諭仍賜白金百兩綵幣二十表裏其獲功人

賚金帛有差皇明實錄

戊辰二年宣祖昭敬大王元年春正月 帝使太監張朝行人

歐希稷來賜祭賜謚恭憲又使太監姚臣李慶來賜

王誥命列聖誌狀○自洪武以來事朝廷恭歲時朝貢外

慶慰報謝無常期行李踵於道 王嗣立則使者往

有大事則頒詔其國武備志雖稱屬國而無異域內錫

賚優蕃殆不勝書明史

壬申六年宣祖昭敬大王五年夏五月庚戌 帝崩明史秋七月

訃至 王率百官舉哀斬衰三日而止國朝實錄○遣陪

臣朴淳等賀登極列聖誌狀○八月賜進貢陪臣朝參騎

坐馬匹皇明實錄○ 帝使翰林院編修韓世能吏科

左給事陳三謨頒登極詔仍勅諭王及妃賜幣帛文

綺皇明實錄○冬十月遣陪臣齋表陳慰并獻進香禮物

命鴻臚寺引詣 昭陵行禮皇明實錄○ 帝嘉王

送還被擄人口屢效忠順令陪臣齋賞銀一百兩錦

四端紵十二表裏仍賜勅獎勵皇明實錄○十二月遣陪

臣宋贊等賀 穆宗皇帝冊謚 二聖皇太后

徽號賜宴賚如例不作樂簪花皇明實錄○中國之法不

得與外人交通近歲修撰龔用卿給事吳希孟侍讀
華察給事薛廷寵相繼來東及其還朝訪陪臣於館
且致下程以朝鮮禮義之邦世為中國藩屏不以外
人待之碑官雜記

癸酉萬曆元年宣祖昭敬大王六年冬十一月廣寧摠兵李成樛

設堡鴨江方山鎮越邊人民將侵耕我界移咨廣寧

衙門請預行諭禁國朝寶鑑

乙亥三年宣祖昭敬大王八年秋七月 王奏將國祖康獻王宗

系弒逆等被誣情節乞載 世宗皇帝寶錄及新

纂會典為之昭雪皇明實錄禮部尚書馬樹聲等覆題曰

宗系各有本源既與李仁任不同又謂國祖由于推
戴亦與弒王氏無預在我 皇祖之大訓固得于

一時之傳聞在伊裔孫之辨詞實出於一念之誠孝

宜念其世秉禮義克篤忠勤依其所請奉 聖旨

該國前後奏辭備細纂入於 皇祖實錄內新會

典則候旨續修增入仍降勅諭曰爾祖久蒙不韙荷

我 列朝垂鑑已為昭雪改正欲將前後奏辭備

行採錄以垂永久國朝寶鑑

庚辰八年宣祖昭敬大王十三年冬十二月陪臣梁喜在館病故

詔與祭一壇及行兵部應付人夫送還本國皇明實錄

癸未十一年宣祖昭敬大春正月以王押送漂洋人口

賞銀一百兩錦四端紵絲十二表裏賜勅獎勵陪臣

軍從人等俱各給賞皇明實錄○王表賀 仁聖懿安

康靜皇太后 慈聖宣文明肅皇太后徽號皇明實錄

○遣樂官請學中朝禮樂許之明史綱目

丙戌十四年宣祖昭敬大秋八月陪臣尹自新等在會

同館失火 王拿鞫定罪奉表陳謝 帝以王忠

慎可嘉降勅獎諭賜蟒衣綵緞列聖誌狀

丁亥十五年宣祖昭敬大冬十二月日本使橘康廣來

聘日本有天王僭號紀元而不預國事國事聽於關

白關白稱大將軍或稱大君源氏為關白二百餘年

而平秀吉代之秀吉者本賤隸人不知自出國朝寶鑑為

關白平信長義子凡助信長棄二十餘州信長恃功

大勢盛遂殺君自立為部將明智所殺秀吉與行長

等誅明智廢信長三子而自立兩朝平壤錄使康廣來求

通信書辭甚倨有天下歸朕一握之語 王以日本

篡弒之國當以大義却之廷議皆曰化外之國不可

責以禮義康廣之還但答其書契而不許送使國朝寶鑑

戊子十六年宣祖昭敬大春二月謝恩陪臣俞泓還自

京師泓呈文禮部列聖誌狀請給新纂會典以終俞命許

之皇明特賜本國付卷誌狀王迎勅郊外寶鑑遂

行告祭于廟社王曰禮曰君賜衣服服以拜賜

所以榮君恩也上年帝賜蟒衣置之卧榻之上

夙夜拱北竊祝而惶恐不敢服今將祗見先王予

欲服此以覲祖先也列聖誌狀○夏四月日本使平義

智僧玄蘇平調信來聘求信使通好實欲窺覘也議

者言損竹島之役我國邊岷導倭為寇刷還然後方

許通信國朝寶鑑

己丑十七年宣祖昭敬大王二十二年秋七月日本刷還本國被擄

人金大瓊等又縛送叛民及丁亥賊倭始許遣使國朝

鑿○冬十月賀聖節陪臣尹根壽回自京師

帝特命宣示秘史本國世系正本并頒賜會典全

書政事撮要從所請也皇明實錄宣勅于皇極門內翰林學士

將禮傳命以重其事勅曰朕惟會典一書我祖

宗舊章國家成憲藏之內府副在有司其在外藩未

嘗輕示以爾世修職貢夙秉忠誠備屏翰于東藩襲

威儀于上國雪屢世不明之系既遂懇祈纂昭代不

刊之書仍思悵覩朕視猶內服嘉與同文特賜全編

俾傳永久茲付陪臣齋回以慰爾惓惓陳情至意奉

茲圖籍式是章程既顯被于光榮宜尊藏于秘密尚

念綏懷之寵彌堅翊戴之忱蓋宗系下誣攷事凡首

尾一百八十年使臣十一起今始準改得正降

示秘史歷代待東藩所未有之寵章也告于宗廟

國朝寶鑑

庚寅十八年宣祖昭敬大春正月倭關白平秀吉欲渡

海侵唐惟恐水兵嚴密不能句履唐地平壤將先據

朝鮮從陸進兵以窺遼薊國朝寶鑑乃使對馬太守扮作

商人至高麗觀地形平壤

辛卯十九年宣祖昭敬大春三月通信使黃允吉金誠

一許箴等回自日本誠一見其答書悖慢乃貽書玄

蘇曉以大義玄蘇諉以摺書者失辭但改 殿下禮

幣等字其慢脅之辭託言入朝 大明之意而不

肯改允吉等遂還國朝寶鑑○閏月倭使平調信玄蘇至

王使黃允吉金誠一鈞察情形玄蘇語誠一曰朝

鮮若先奏聞使貢路得通則兩國免兵革之勞矣誠

一等論以大義不可蘇又曰昔高麗導元兵擊日本

以此欲報怨於朝鮮其言漸悖調信歸附答書曰前

後二書辭旨張皇欲超入上國而望吾國之為黨不

知此言奚為而至哉自弊邦言之則語犯上國非可

相較於文字之間而言之不酬亦非交鄰之義敢此

八事夕... 卷之二
暴露幸有以亮之惟我東國卽殷太師箕子受封之
舊也禮義之美見稱中華凡幾代矣逮我 皇朝
混一區宇威德遠被薄海內外悉主悉臣無敢違拒
貴國亦嘗航海納貢而達于京師况弊邦世守藩封
執壤是恭侯度罔愆故中朝之待我也亦視同內服
赴告必先患亂相救有若家人父子之親者此貴國
之所嘗聞亦天下之所共知也夫黨者偏陂反側之
謂人臣有黨者天必殛之况舍君父而黨鄰國乎嗚
呼伐國之問仁者所耻况於君父之國乎弊邦之人
素秉禮義知尊君父大倫大經賴而不墜今固不以

私交之厚而易天賦之常也豈不較然乎竊料貴國
今日之憤不過耻夫見擯之久禮義無所效關市不
得通并立萬國王帛之列也貴國何不反其故自盡
其道而惟不臧之謀是依可謂不思之甚也國朝寶鑑○
前縣監趙憲疏請亟斬倭使飛奏 天朝分致賊
肢于琉球諸國使天下同怒以備此賊不報重集○
夏四月賀節陪臣金應南之行略具倭情移咨禮部
應南入遼界一路譁言朝鮮謀導倭入寇待之頓異
國朝寶鑑及到京呈咨文於禮部侍郎韓世能諭使臣曰
皇上覽本國咨甚嘉悅必有恩賞臨還光祿寺

宴罷中官以 皇帝命引一行入會極門門在皇

極殿內內有太液池外人所不到出酒饌令醉飽蓋

異數也降勅褒諭賞白金綵緞西厓集仍令宴結暹羅

琉球等國合兵擊日本錄日月○秋八月禮部題朝鮮

報倭聲息與琉球所報同宜獎賞激勸從之實錄○

九月遼東都司咨報倭情蓋因許儀後誣奏也實錄○

○大明漂流人許儀後為日本薩摩州太守所愛潛

遣所親人朱均旺投書于中朝邊將曰日本新關白

平秀吉庚寅正月集眾將於前殿命率十萬征東曰

重圍其城四面築城以守之吾即欲渡海侵

明遂命肥前太守造船名汪五峯之黨問攻

明之策答曰曰以吾之智行吾之兵如大水崩沙利刀

反掌關白曰不破何國不亡吾帝大明必矣廣東

破竹何城不破何國不亡吾帝大明必矣廣東

破竹何城不破何國不亡吾帝大明必矣廣東

破竹何城不破何國不亡吾帝大明必矣廣東

破竹何城不破何國不亡吾帝大明必矣廣東

破竹何城不破何國不亡吾帝大明必矣廣東

破竹何城不破何國不亡吾帝大明必矣廣東

破竹何城不破何國不亡吾帝大明必矣廣東

破竹何城不破何國不亡吾帝大明必矣廣東

破竹何城不破何國不亡吾帝大明必矣廣東

破竹何城不破何國不亡吾帝大明必矣廣東

破竹何城不破何國不亡吾帝大明必矣廣東

破竹何城不破何國不亡吾帝大明必矣廣東

破竹何城不破何國不亡吾帝大明必矣廣東

破竹何城不破何國不亡吾帝大明必矣廣東

破竹何城不破何國不亡吾帝大明必矣廣東

豪境人進大明地圖關白命列國築城於肥前

一歧對馬三處以為渡唐館驛又命對馬太守扮作

商賈渡高麗相地今辛卯十一月十八日文書遍行

列國欲於壬辰春渡高麗盡移日本之民於其地耕

種以為藏大又兵部移咨琉球長史鄭迴公文

稱倭關白戰勝朝鮮遣使迫降琉球聲言明年九月

入寇又據浙江巡撫題琉球國回福建人陳甲揭報

關白陰謀席捲琉球朝鮮并吞中國差和尚迫琉球

入朝且言十八年四月戰勝朝鮮今年三月入寇

大明入北京者令朝鮮嚮導入福建浙直者令唐

人嚮導風聞海外難斷有無從實回報魏院遂遣陪

臣韓應寅等陳奏國朝曰臣查得對馬島太守宗義

調刷還人金大璣供稱明春關白入寇 大明續

有倭人僧俗相雜一十餘名來稱琉球南蠻諸國亦

皆歸服嘉靖年間遣使朝貢 大明不納世懷怨

恨擬於明年六月入犯 大明兵船所經慮或攬

撓貴境若得 大明許和事可得解又六月對馬

島守宗義調所遣伊舅義智言亦然備咨禮部順付

赴京陪臣而琉球不曾歸服却說歸服以詫我小邦

小邦不曾敗降却說敗降以誑於琉球其心果欲何

為所謂明春擬犯上國正指今年而却已不驗平義

智哄嚇實在本年五六月而又却稱明年前後伊言

類係誕謾近數年間絕無來犯安有勝敗乎不圖倭

賊以嚮導之名歸之言亦醜辱槐院騰錄應寅等入京

帝御皇極殿引使臣慰諭勤懇賞賚加厚降勅獎

諭時 帝久不御朝外國使臣親承臨問前所未

有也由是續遣申點等謝恩令奏賊情加詳國朝寶鑑

小華外史卷之二

小華外史卷之二

